


Christie Mettes a presenta cu buki di poesia



poesia di e hoben Christie Mettes. Tur invitado a pone un deseo riba papel pa Christie y a pone tur e deseonan aki den un boter, cual Christie a tira na lama. Di e forma aki e hoben kier a presenta su buki oficialmente ariba plasa. Mama di Christie, drs. Miriam Helder, a relata e infancia y hubentud di Christie, un persona semper keto, pero hopi critico.

Contrario kisas na hopi hoben di su edad, Christie si ta preocupa pa problemanan mundial manera di guera y di medio ambiente.

For di chikito e tabata expresa su sentimentonan riba papel y cu ayudo financiero di UNOCA el a logra publica su prome coleccion di poesia.

Presidente di UNOCA, señora Nilda Koolman, tabata tin palabranan di elogio pa Christie kende a sa di desaroya su talentonan durante añanan. Señora Koolman a haci un apelacion riba mayornan pa tuma ehempel di mama di Christie, esta pa habri nos curason pa scucha nos hobennan ora cu nan kier expresa nan mes, sea ta cu baile, musica, skirbimento of un simpel abraso. E titulo di e buki VOICELESS, loke ta nifica sin stem, ta e forma cu Christie a scoge pa comunica, esta pone ariba papel su

preocupacionnan, su amor pa su mama y amigonan.

Diferente hoben, amigonan di Christie, a recita poesianan di e hoben autor y tambe poesianan cu nan mes a skirbi. E hobennan ta reuni tur siman na Acces Art Gallery pa intercambia di pensamiento cu otro riba diferente topico y ta formula nan sentimentonan y

inspiracion den un poesia. Director di Access Gallery señor Renwick Heronimo tabata tin e honor di ricibi e prome ehemplar di Voiceless como aprecio pa su apoyo duna na Christie Mettes y su amigonan.

Presentenan na e evento special por a cumpra un buki y ricibi un autografo di e hoben autor Christie Mettes.



ORANJESTAD (AAN): Na tuma luga diahuebs ultimo Marina Pirata Restaurant a presentacion di e buki di